

Nwa wù fwe wu Jon Fiε fi le a Nwa wu Jon wù fwe wunε le

Nwa wù fwe wu Jon wunε wvù wvu gè san fε bintaashe bi bamii ba mbemε, le wu keme bikwεε bi mwεε bifεε. Wvu gè san ki wu yûfε muntele mu bamii ba wù gè san fε bo le, le bo chêe yi kintaashe le bε Nyo mo Mwa ye wù Jiso Kletu, bε ki wu têfε bo le bo yêne le keefε bo bîi n'yeyε wu chimbian le gε. Muh wù san ηwa wunε le wu mon wu chiise lo le, nε muh chee antenεε a n'yu, wu gε ka wu gêe gee chi kijibε gε. Wu ka wu san tε le Jiso Kletu gè bee muh wu wu, muh wuchii wù le wu leese fitele yi ye ye le wu kōne Nyo, wu kême tε ki wu kōne mwa bwee.

Bikwεε bi mwεε mù le a Nwa wunε le

1:1-4 Fεηkεε

1:5-2:29 Saaka wù kune n'yu bε kijibε

3:1-24 Boon ba le ba Nyo bε ba le ba debele

4:1-6 Fiε fi nchiεη bε fi le chimbian

4:7-21 Kune kinjonε

5:1-21 Fitele fi muh leese yi Kletu le fi soo lo fiεε fichii

Jε yî nyaa kinche

¹ Fiεε fi bee sanε finε le kune Jε yî nyaa kinche yî gè bee wa fεηkεε. Jε yinε, bee gè yu mwεε mù yi gè duu, bee yεη yi le bε ajii awese, bee bijε no yi nyume, bee kuη yi le bε chiaaη yese.

² Kinche kinε ba gè chunye bee yeη ki le, bee mo be jeme kune ki, bee feeji beη le kune kinche kɪ kage γε kinε kɪ gè bee be Chii, wu gè to wu chunye bee le.

³ Fifeε fi bee gè yeη bee ka be yu, le fi fi bee feeji beη le te wu le bee kême kintaashε besabeη. Kintaashε kesa kinε le besa Nyo wu Chii be Mwa ye wu Jiso Kletu.

⁴ Bee mo be saηe finε wu le njon wese besabeη yise chuule.

Ki besabeη chée yi n'yu le

⁵ Wunε le saaka wu bee gè yu a wu le, bee mo be seηe beη le le, Nyo le n'yu, kijibe nyume γε ye ye le γε mbeη.

⁶ Noo, ne besabeη duu le besabeη le yi kintaashε le be wu, geenε besabeη ka jienyi nyu yi kijibe le, tu besabeη mbiane lo, bee chee γε bee bii nchieη le γε.

⁷ Geenε, ne besabeη jienyi yi n'yu le no wu le yi n'yu le, tu besabeη le be nyûme yi kintaashε le muh no muh, kilεme ki Jiso wu Mwa ye le ki chuge besabeη be yuude yi bimbefe biesa besabeη le bichii.

⁸ Ne besabeη duu le γε besabeη keme bimbefe γε, tu besabeη leede lo be bikweε biesa, γε nchieη nyu yi ye yese besabeη le γε.

⁹ Geenε, ne besabeη seηe lo bimbefe biesa wu le, no wu le muh wu to wu leme yi je ye le wu ka gee mwεε mu kooji, tu wu lé wu lêshε bimbefe biesa wu chûge besabeη be yuude yi gee chesa besabeη le chichii chɪ le γε chaan γε.

¹⁰ Nε besabεη jεme le besabεη baan ge γε kimbefε γε, tu besabεη jode wu le wu le muh wu chimbian, je ye ya kεme γε kijuse yi ye yese besabεη le γε.

2

Jiso le kimaan kɪ lɛɛshi bimbefɛ biɛsa besabɛɲ

¹ Boon ban, nsanɛ fiεε finε fε bεη le le keefε bεη jâ bεη gê kimbefε γε. Geenε, nε muh ja lo wu ge kimbefε, tu bee kεme muh wù kude chiaan fε Chii le fε besabεη le, muh wunε le Jiso Kletu wù le muh wù chaan.

² Le wu wù le kimaan kɪ lɛɛshi bimbefɛ biɛsa besabɛɲ. Gε kimaan kinε nyu gɛh fε bimbefɛ biɛsa besabɛɲ le maa γε, ki le tε fε bi bamii bachii ba yi won kfunε le.

³ Nε besabεη γεεde fiεε fi Nyo duu, finε mo fi fε besabεη γε ka be manε le besabεη kee wu γε.

⁴ Muh wù duu le wu kee Nyo, geenε wu γεεde γε fiεε fi wu duu γε, tu le muh wu chimbian, kinchiεεη nyume γε yi ye ye le γε.

⁵ Geenε, muh wù γεεde njεmε we wuwεε le muh wù konε Nyo nchiεεη wu γεεne wu mεεse. Fiεε fi tanlo fi chûnyε manε sεη le besabεη le be taashe bε Nyo le finε fi le le:

⁶ Nε muh jεme le wu le segechii yi Nyo le tu wu kεme ki wu chêe gɛh yεɛnyεɛη a je yɪ Kletu gè chee yi le.

Nchi wù fwɛɲ

⁷ Nsáa yan yi shén, γε nchi wù ngoone ki nsân fε bεη le nyu nchi wù fwɛɲ γε. Le nchi wù kege wù bεη gè kεme kege fεηkεε. Nchi wù kege wunε le saaka wù bεη le bεη yu wa.

⁸ Geenε nchi wù nsanε fε βεη le, le gεh nchi wù fwεη. Nchieεη wu nchi wunε gè bee wu chunye yi Kletu le, wu chuunyi tε yi ye yene le. Nchi wuyu ye ne wù fwεη nje kijibε kage ka ki gεene, n'yuu wù nchieεη kε wa wu baan.

⁹ Nε muh jεme le wu le yi n'yuu le wu ka banε mwa bwee, tu wu baan gε yi kijibε le.

¹⁰ Muh wù konε mwa bwee le segechii yi n'yuu le, gε fiεε nyu yi ye ye le fi tanlo fi ge wu jienyi wu banse gε.

¹¹ Geenε, muh wù banε mwa bwee le yi kijibε le wu jienyi wu kee gε fε wu gεene fo gε, nje kijibε kiyu le ki ge wa wu feen.

¹² Boon ban, nsanε fε βεη le nje ba le ba lεeshε wa bimbefe biεna nje Kletu.

¹³ Bachii, nsanε fε βεη le nje βεη le βεη kεε wa wu wuyu wεε wù gè bee fεηkεε. Chu yi bamii, nsanε fε βεη le nje βεη le βεη so wa muh wu kimbefe wεε. Boon ban, nsanε fε βεη le nje βεη kee Chii.

¹⁴ Bachii, nsanε fε βεη le nje βεη kee wa wu wuyu wù gè bee fεηkεε. Chu yi bamii, nsanε fε βεη le nje βεη tεεme lo, je yi Nyo nyu yi βεη le segechii, βεη so wa muh wu kimbefe wεε.

¹⁵ Mε mo nteefe βεη le, keefe βεη kōne won kfune kεne mwεε mu yi won kfune le gε. Nε muh konε won kfune, wu gε ka wu konε Chii gε.

¹⁶ Bεη kēε le mwεε munchii mu yi won kfune le mù nyan yi ye kεme kinkonε yu bε mù ajii jiine wo konε, mo mù bamii bεεηse ye yi mu le yi kinche kinε le, gε nyu mù jade fε Nyo wù Chii le gε. Le mu yi won kfune le.

¹⁷ Won kfune le wu ge wu ka, mwεε mu yi won kfune le mù bamii kεme kinkonε yi mu le ka tε.

Geene, muh wù gee nyu fiεε fi Nyo goone le wu mε geh wu nyu yu segechii.

Bamii ba kimbanε ba Kletu

¹⁸ Boon ban, kife kinε le wa kǐ fεkimεε. No bεn gè yu le muh wu kimbanε wu Kletu lé wu gè wu tó, mo mεεse bamii ba kimbanε ba Kletu le bo to wa wesee. Le fiεε fi ge besabεn mo be kεε le kinε le wa kife kǐ fεkimεε.

¹⁹ Bamii bayu banε gè bu a besabεn ntenεε, geeneε gε bo gè bee bamii besa besabεn gε. Nε bo gè bee bamii besa besabεn, tu bo gè bee bo mε geh bo nyu besa bo. Noo bo mo bo bu wu le fi chũnyε andanandan le gε bo bachii gè bee bamii besa besabεn gε.

²⁰ Bεn le fiena wu wù Yuude nyu wu yefε* wa bεn, bεn bachii kee mwεε mù nchiεεn.

²¹ Gε nsanε fε bεn le nje bεn manε nchiεεn gε. Nsanε nje bεn kee kinchiεεn, bεn kee tε le gε tanlo chimbian bude antenεε a nchiεεn gε.

²² Muh wu chimbian le wù la? Gε nyu wεε wù fanε le gε Jiso nyu Mbvuse wù Nyo gè ka gε? Muh wù fanε Nyo wù Chii bε Mwa ye le wεε wù le muh wu kimbanε wu Kletu.

²³ Gε muh wù fanε Mwa kεme kintaashe bε Chiji Mwa wuyu gε. Muh wù jεme bε jwe we le wu le wu bεεn Mwa le, le wù kεme kintaashe bε Chiji Mwa tε.

²⁴ Bεn gèε fiεε fi bεn gè yu wa fεnkεε fi nyu segechii yi ye yene le. Nε bεn gεle fiεε fi bεn gè yu wa fεnkεε fi nyu segechii yi ye yene le, bεn tε mo bεn nyu segechii yi Mwa bε Chiji le.

²⁵ Fiεε fi Kletu ka besabεn yu le kinche kǐ kage gε.

* **2:20** N'yefε wunε le Kiyo ki Yuude kǐ ba gè nya bo yu.

²⁶ Nsaŋe mwεε munε fε beŋ le nyu kune bamii ba goone ki bo lεεde be beŋ.

²⁷ Geenε, n'yefe wù beŋ gè keme fε Kletu le, le segechii yi ye yene le, gε beŋ ka goone muh mu wù yeyi beŋ gε. No n'yefe we wunε yeyi wa beŋ kune mwεε munchii, n'yefe wuyu nyume wu nchiεεŋ, ya nyume gε wu chimbian gε, beŋ mo beŋ nyûme segechii yi Kletu le gεh yεεŋyεεŋ no n'yefe wunε le wu yeyε beŋ.

²⁸ Mεεse boon baŋ, beŋ mo beŋ mē gεh beŋ nyûme segechii yi ye ye le wu lε sege wu gē wu bunε, besabeŋ keme fitele ki bee yēŋ wu le fede ki bee nyiile lo nyile le a bvuya antεnεε.

²⁹ Nε beŋ kee lε wu le muh wù gee mwεε mù chaan, tu beŋ keme ki beŋ kêe tε lε muh wuchii wù gee fiεε fi chaan le mboyε we.

3

Besabeŋ le boon ba Nyo

¹ Beŋ jīŋε beŋ yēŋ kfuu chi kinƙoŋε kī baan kī Chii le wu dunyε fε besabeŋ le, lε ba tēŋε besabeŋ lε boon ba Nyo! Nchiεεŋ, besabeŋ le boon ba Nyo. Fiεε fi bamii ba le ba yi won ƙfunε le baan kεε gε besabeŋ gε le nje bo gē baan kεε gε tε wu gε.

² Nsāa yan yi shēŋ, mεεse besabeŋ le wa boon ba Nyo, geenε besabeŋ baan a kεε gε no besabeŋ le bee ge be nyu gε. Fi besabeŋ kee le gε lε lé gē nyû sege Kletu bunε, besabeŋ nyu nje wu, nje besabeŋ lé bee gē be yēŋ wu le no wu le.

³ Fi mo fi nyu lε, muh wuchii wù jiīŋε fwe yi ye ye le, keme ki wu chûge kikwεε ke segechii wu yûude no wu yuude.

⁴ Muh wuchii wù gee kimbefɛ le wu ɲode nyu nchi wu Nyo, nje kimbefɛ le nchi wù muh ɲode.

⁵ Bɛɲ kee lɛ Kletu gè to ki wu chíaase bimbefɛ bi bamii. Gɛ wu wù Kletu gè kɛme kimbefɛ gɛ.

⁶ Gɛ muh wù le yi Kletu le nyu wu mɛ gɛh wu gêe bimbefɛ gɛ. Gɛ muh wù mɛ gɛh wu gee bimbefɛ gè yɛɲ wa wu le kɛnɛ wu kɛɛ wu gɛ.

⁷ Boonɲ baɲ, keefe muh lɛɛ bɛ bɛɲ gɛ. Muh wù gee fiɛɛ fi chaan le muh wù chaan yɛɛɲyɛɛɲ no Kletu le muh wù chaan.

⁸ Muh wù mɛ gɛh wu gee bimbefɛ le muh wu debele, nje debele wunɛ gè gee wa bimbefɛ kɛge lo fɛɲkɛɛ. Fiɛɛ fi Mwa Nyo gè to nje fi gè bee ki wu chíije chilɛme chi debele wunɛ.

⁹ Gɛ muh wù le mboyɛ wu Nyo to wu mɛ gɛh wu gee kimbefɛ gɛ, nje fiɛɛ fi le Nyo fichii le yi ye ye le segechii, gɛ tanlo wu ka wu mɛ gɛh wu gee kimbefɛ gɛ, nje wu le mboyɛ wu Nyo.

¹⁰ Fiɛɛ fi tanlo fi ge besabɛɲ yêde bamii ba le boon ba Nyo bɛ ba debele le finɛ: Muh wuchii wù le nje wu gee mwɛɛ mù chaan sɛɲ, kɛnɛ nje wu kɔɲɛ mwa bwee sɛɲ, tu gɛ wu nyu mwa Nyo gɛ.

Besabɛɲ kôɲɛ

¹¹ Saaka wù bɛɲ gè yu kɛge fɛɲkɛɛ le gɛh wunɛ wu lɛ, besabɛɲ kôɲɛ muh lɛ muh.

¹² Keefe besabɛɲ nyu nje Kɛɲ gɛ. Wu gè bee mwa muh wu kimbefɛ wɛɛ, wu gè ja wu yuuyɛ mwa bwee. Wu gè yuuyi wu nje la? Wu gè yuuyi wu nje gee che gè bee chí befe, chi mwa bwee nyume chí chaan.

¹³ Boonɲ ba bwɛɛɲ, keefe bɛɲ kɛme kimaɲɛ, nɛ bamii ba le ba yi wonɲ kfunɛ le banɛ bɛɲ gɛ.

¹⁴ Besabəŋ kee ɛ bee le be bu wa chiaaŋ yi kwe le bee lee yi kinche le, nje bee koŋe booŋ ba bwee besa besabəŋ. Muh wù le nje wu koŋe mwa bwee sɛŋ, tu wu baan gɛh chiaaŋ yi kwe le.

¹⁵ Nɛ le yɛɛŋ wù banɛ mwa bwee, tu mwɛdɛ le muh wù yuuyi bamii. Bəŋ kee lo ɛ gɛ muh wù yuuyi bamii kɛme kinche kɪ kage gɛ yi ye ye le gɛ.

¹⁶ Fiɛɛ fi duunyi besabəŋ kiŋkoŋɛ kɪ le kiŋkoŋɛ le finɛ fi Kletu gɛ ge: Wu gɛ be wu nya kinche ke ki wu kwê nje besabəŋ. Besabəŋ tɛ kɛme ki bee nyá kesa kinche nje booŋ ba bwee besa besabəŋ.

¹⁷ Nɛ muh kɛme mwɛɛ mu yi nshɛŋ le fɛnɛ, wu yɛde mwa bwee fuge lo, wu baan gwenyɛ gɛ chiaaŋ fɛ wu le gɛ, tu kiŋkoŋɛ kɪ Nyo le yi wuwɛɛ muh le nɛɛ?

¹⁸ Booŋ ban, keefɛ bee kôŋe gɛh nyu fɛmu fɛmu kɛnɛ yi njɛme le gɛ. Besabəŋ kôŋe yi nchiɛŋ le, bee dûunyi yi kiŋge le.

¹⁹ Le fiɛɛ fi lé fi gɛ bee kêɛ ɛ besabəŋ le bamii ba nchiɛŋ, fi ka fi gɛ bee jɪɛɛɛ muntele mwesa besabəŋ a Nyo fwe,

²⁰ mo sege la kɪ muntele mwesa besabəŋ muyu sage bee. Besabəŋ kee ɛ Nyo kuge wu fede muntele mwesa besabəŋ, wu kee fiɛɛ fichii.

²¹ Nsáa yaŋ yi shén, nɛ muntele mwesa besabəŋ le nje mu sage bee sɛŋ, bee gɛ kɛme faan a Nyo fwe gɛ.

²² Nɛ besabəŋ ɛge mo nyu la a wu le, tu wu lé wu nyá bee le, nje besabəŋ gɛɛde banchi be bee gee fiɛɛ fi ye jôŋe wu.

²³ Nchi we le wunɛ wu ɛ, besabəŋ lêɛɛ fitele yi Mwa ye wù Jiso Kletu le, bee kôŋe gɛh no Kletu duu besabəŋ le.

24 Bamii bachii ba gεεde banchi ba Nyo, le yi ye ye le segechii wu nyu tε yi ye yiboo le. Fiεε fi gee fε bee kee le wu le yi ye yese le segechii le Kiyo ki Yuude kɪ wu nya bee le.

4

Muh wù keme Kiyo ki Nyo bε wù keme gε

¹ Nsáa yan yi shén, keefe sege muh duu le fiεε fi wu jeme ja nyu fε Kiyo ki Nyo le, bεn mo bεn bεen lo gε. Bεn mōn kiyo kiyu bεn yēn laa le ki Nyo la. Njeme nε nje bamii ba mbiane le bo le bamii ba ntun wu Nyo le bo bu wa bo gεen yi won kfunε le wese.

² Fiεε fi tanlo fi ge bεn kεε Kiyo kɪ le ki Nyo ye yi muh le le finε: Muh wuchii wù jeme bε jwe we le Jiso Kletu gè be wu to fεkuu fεnε nje muh wu wun, le wεε wù keme Kiyo ki Nyo.

³ Muh wuchii wù jeme gε noo kune Jiso gε, le wù keme kiyo nyu gε ki Nyo gε. Kinε kiyo le ki muh wu kimbanε wu Kletu wù bεn gè yu wa le wu lé wu gè wu tó, mεese wu le wa yi won kfunε le.

⁴ Boon ban, bεn le bamii ba Nyo, bεn le bεn so wa bamii bayu. Bεn so nje Kiyo kɪ le yi ye yene le, ki fede ki yi won kfunε le.

⁵ Bobaa bamii le ba yi won kfunε le. Noo mwεε mù bo jeme le mu yi won kfunε le, bamii ba le ba yi won kfunε le yuge bo le.

⁶ Besabεn le fiesa bamii ba Nyo. Muh wuchii wù kee Nyo yuge bee le, wù le gε muh wu Nyo gε, gε wu yuge fie bee le gε. Finε le fiεε fi gee fε besabεn kee kiyo kɪ le ki muh wù nchiεen bε ki muh wu chimbian.

Nyo le Nyo wu kinƙonɛ

⁷ Nsáa yaŋ yi shén, besabɛŋ kôŋɛ muh lɛ muh, nje kinƙonɛ le fiɛɛ fi Nyo. Muh wù konɛ muh mu, le mboyɛ wu Nyo, wu kee Nyo.

⁸ Muh wù konɛ gɛ muh mu gɛ, le wu kee gɛ Nyo gɛ. Fi le noo nje Nyo le Nyo wu kinƙonɛ.

⁹ Yinɛ le je yi Nyo gè dunyɛ kinƙonɛ ke fɛ besabɛŋ le yu: Wu gè bee wu tun Mwa ye kagɛ wu yi won kfunɛ le, wu lɛ besabɛŋ tanlo be kɛme kinche fede yi ye ye le.

¹⁰ Fi finɛ le fiɛɛ fi ba tɛŋɛ lɛ kinƙonɛ. Gɛ nyu lɛ gè kon besabɛŋ Nyo gɛ. Gè kon Nyo bee, wu tun Mwa ye lɛ wu tô wu gè kimaan fɛ bimbefɛ biɛsa besabɛŋ le.

¹¹ Nsáa yaŋ yi shén, no Nyo gè kon besabɛŋ yinɛ je le nɛ, besabɛŋ tɛ kɛme ki be kôŋɛ muh lɛ muh.

¹² Gɛ muh nyu yu wù gè yu wa wu yɛŋ Nyo le gɛ. Besabɛŋ nɛ konɛ lo, Nyo nyume segechii yi ye yese besabɛŋ le, kinƙonɛ ke nyu yi ye yese besabɛŋ le gɛɛnɛ mɛɛsɛ.

¹³ Besabɛŋ kɛɛ lɛ bee le yi ye ye le segechii wu nyu yi ye yese besabɛŋ le, nje wu le wu nya bee bɛ Kiyo ke.

¹⁴ Bee gè yɛŋ bee mo bee sɛŋɛ bamii le lɛ Nyo wu Chii gè bee wu tun Mwa ye lɛ wu to wu nyume Mbvusɛ wu won kfunɛ.

¹⁵ Mo nyu yɛŋ wù duu bɛ jwe we lɛ Jiso le Mwa Nyo, tu Nyo le yi mwɛdɛ le, wu nyu tɛ yi Nyo le.

¹⁶ No fi le noo, bee mo be kɛɛ bee bɛɛŋ kinƙonɛ kɪ Nyo kɛme fɛ besabɛŋ le.

Nyo le Nyo wu kinƙonɛ, muh wù chee yi kinƙonɛ le, wu chee nyu yi Nyo le, Nyo tɛ chee yi ye ye le.

¹⁷ Fiεε fi duunyi le kinƙonje le fe besabenje le ki yise ki geeƙi ki meεe le fine fi le, ge besabenje keme nfaanƙune juu chi nsa wu fekimεεe ge. Ge besabenje keme nfaan ge, nje besabenje chee yi won ƙfunε le nje Kletu.

¹⁸ Ge nfaan to wu nyu antenεε a kinƙonje ge. Kinƙonje ki yise ki geeƙi ki meεe to ki bvuuεe lo nfaan, nje nfaan keme fiεε fi wu ge nyu be nge wu tanlo ba nya muh le. Ge muh wu keme nfaan nyu wu lee wa antenεε a kinƙonje wu geeƙi wu meεe ge.

¹⁹ Besabenje kōne, nje le Nyo wu gè ya wu ƙon besabenje.

²⁰ Ne muh jeme le wu ƙon Nyo, geenε wu ka banε mwa bwee, tu wu le muh wu chimbian, nje muh ne le nje wu ƙon mwa bwee wu wu yede wu le seƙi, wu ge neε fe wu ƙon Nyo wu wu yede ge wu le ge.

²¹ Nchi wu besabenje gè kemε a wu le, le wunε wu le, muh wu ƙon Nyo keme ki wu kōne mwa bwee te.

5

Muh wu soo won ƙfunε le muh wu le wu beεƙi Jiso le

¹ Muh wuchii wu le wu beεƙi le Jiso le Mbvuεe wu Nyo gè ka, wu le mboyε wu Nyo. Muh wuchii wu ƙon muh, le wu ƙon te mboyε wu mwεde.

² Fiεε fi gee fe besabenje kee le besabenje ƙon boon ba Nyo le sege besabenje ƙon Nyo bee gee fiεε fi banchi be duu.

³ Beƙi kēε le ki besabenje ƙon Nyo le ki bee gēde banchi be, ge banchi be nyu bvujije ge,

⁴ nje muh wuchii wù le mboyε wu Nyo le wu soo lo won kfunε. Besabεη soo won kfunε nyu bε mbεmε wese besabεη.

⁵ Muh wù soo won kfunε le wù la? Gε nyu wεε wù le wu bεεη ε Jiso le Mwa Nyo gε?

Mwεε mù lεme jin yi nsa wu Jiso

⁶ Jiso Kletu gè to yi won kfunε le, fe yi joo bε yi kilεmε le. Gε wu gεh fe nyu yi joo le maa gε. Wu gè fe yi joo le bε yi kilεmε le. Kiyo ki Yuude lεme jin yi nsa wu fiεε finε le nje Kiyo jεme nchiεεη.

⁷ Mwεε le yu muntεde mù lεme jin yi nsa wuyu.

⁸ Mwεε munε le Kiyo ki Yuude, joo bε kilεmε. Mwεε mù muntεde munε muchii le yi fiεε le fimimia.*

⁹ Besabεη to be bεme fiεε fi muh wu wun jεme besabεη le. Geenε, fiεε fi jεme Nyo fi jiji fi fede fi muh wu wun. Bεη kēε le fi finε fiεε le fiεε fi jεme Nyo besabεη le, wu lεme jin yi nsa wu Mwa ye.

¹⁰ Muh wù le wu bεεη Mwa Nyo le wu kεme fiεε fi Nyo jεme finε yi ye ye le. Muh wù baan bεεη gε Nyo le gε, wu fede le Nyo nyu muh wu chimbian, nje wu baan bεεη gε fiεε fi jεme Nyo besabεη le kune Mwa ye gε.

¹¹ Njεmε wù Nyo wunε le ε Nyo le wu nya besabεη bε kinche kī kage gε, kinche kinε jade yi Mwa ye le.

* **5:8** Baŋwa ba kege bamu kεme biboo binchin bine le, “Bamii le batεde ba lεme jin yi nsa wuyu fεwe. Bamii banε le yi fiεε le fimimia. 8 Mwεε le yu muntεde mu lεme jin yi nsa wuyu yi shεη le. Mwεε munε le Kiyo ki Yuude, joo bε kilεmε. Mwεε mù muntεde munε le yi fiεε le fimimia.”

¹² Muh wù keme Mwa Nyo yi ye ye le keme kinche kiyu, muh wù keme gε Mwa Nyo yi ye ye le gε, tu gε wu keme kinche kiyu gε.

Bamii ba keme wa kinche kɪ kage gε

¹³ Nsaŋe mwεε munε beŋ ba beεŋ wa Mwa Nyo le, wu le taŋlo beŋ kêε le beŋ keme wa kinche kɪ kage gε.

¹⁴ Gε besabeŋ keme nfaaŋ ki bee kêŋse bee gεene fwe fε Nyo le bee lεge fiεε a wu le gε, nje besabeŋ lεge fiεε a wu le bee bii no wu goone, wu yu fiεε fi besabeŋ jeme.

¹⁵ Nε besabeŋ kee le wu yuge fiεε fi bee jεme sege besabeŋ lεge mo nyu la a wu le, besabeŋ mo be kêε tε le besabeŋ le bee keme wa fiεε fi bee lεge a wu le.

¹⁶ Nε muh yeŋ mwa bwee gee kimbefε kɪ taŋlo ki gε ge wu kwe lo gε, wu lεgε le Nyo nyâ kinche wu le. Fiŋe nyu fε muh wù kimbefε ke taŋlo ki gε ge wu kwe lo gε. Kimbefε kimi le yu kɪ taŋlo ki ge muh kwe lo. Gε njεme le muh bûune fε kikεε le gε.

¹⁷ Gee chɪ befe chichii le kimbefε, geenε kimbefε kimi le yu kɪ taŋlo ki gε ge muh kwe lo gε.

¹⁸ Besabeŋ kee le gε muh wù le mboyε wu Nyo taŋlo wu mê gεh wu gee bimbefε gε, nje wuwεε wù gè bee Mboyε wu Nyo chieεji wu, gε muh wu kimbefε wεε taŋlo wu ka wu kuŋ wu le gε.

¹⁹ Besabeŋ kee tε le besabeŋ le bamii ba Nyo, bamii ba le ba yi wonŋ kfunε le bachii nyu chiaaŋ yi muh wu kimbefε wεε le.

²⁰ Besabeŋ kee le Mwa Nyo le wu to wa wu gwenyε bvufee bwesa besabeŋ ki bee kêε wu wù Nyo wù nchieεŋ. Besabeŋ le yi ye ye le, nyume nchieεŋ no besabeŋ le yi Mwa ye wù Jiso Kletu le.

Le wu wù Nyo wù le kinchiεεη wu nyu kinche kĩ
kage γε.

²¹ Boonη ban, beη yêne kune banyo ba achiji.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337